



Broj: 01-146/20
Vareš, 29.10. 2020. godine

Na osnovu člana 13. stav (2), alineja 5) i člana 35. stav (3) Zakona o principima lokalne samouprave u Federaciji BiH („Sl. novine Federacije BiH“, broj: 49/06 i 51/09) i člana 22. Statuta Općine Vareš (Prečišćen tekst), broj: 01-162/12 od 11.09.2012. godine, Općinsko vijeće Vareš, na 40. sjednici održanoj 29.10. 2020. godine, d o n o s i

O D L U K U
o davanju na upravljanje, korištenje i
održavanje poslovnih objekata Javne predškolske ustanove
„Dječije obdanište Vareš“

Član 1.

Ovom Odlukom Javnoj predškolskoj ustanovi „Dječije obdanište Vareš“ daje se bez naknade na upravljanje, korištenje i održavanje objekat koji se nalazi u Varešu, ulica Zvijezda br 22 , izgrađen na parceli broj: 959/1 k.o. Vareš.

Član 2.

Javna predškolska ustanova „Dječije obdanište Vareš“ obavezno je da u skladu sa zakonom, organizuje nesmetano funkcionisanje, pružanje usluga i održavanje nepokretne i pokretne imovine, navedene u članu 1. ove Odluke, koja je data na upravljanje, korištenje i održavanje.

Član 3.

Na osnovu ove Odluke ne mogu se vršiti upisi i promjene u zemljišnim knjigama i katastarskom operatu Općine Vareš na nekretninama navedenim u članu 1. Ove Odluke.

Član 4.

Prihodi i rashodi od upravljanja, korištenja i održavanja, koji nastanu funkcionisanjem i pružanjem usluga na nepokretnoj imovini, navedenoj u članu 1. Ove Odluke, padaju na teret i u korist Javne predškolske ustanove „Dječije obdanište Vareš“.

Član 5.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**ZAMJENIK
PREDSJEDAVAJUĆEG
OPĆINSKOG VIJEĆA**

Nikola Šimić

Odluka objavljena na oglasnoj tabli Općine Vareš dana 30.10. 2020. godine.

OPĆINSKI NAČELNIK

Zdravko Marošević

O b r a z l o Ź e n j e

Pravni osnov:

Članom 13. stav (2), alineja 5) Zakona o principima lokalne samouprave u Federaciji BiH („Sl.novine Federacije BiH“, broj: 49/06 i 51/09), propisano je da Općinsko vijeće u okviru svojih nadležnosti donosi odluku o upravljanju i raspolaganju imovinom jedinice lokalne samouprave.

Članom 35. stav (3) istog zakona, propisano je da imovinom u vlasništvu općine mora se upravljati u skladu sa zakonom i drugim propisima, te u interesu lokalnog stanovništva i s pažnjom dobrog domaćina i da Vijeće odlučuje o pribavljanju, korištenju, upravljanju i raspolaganju imovinom jedinica lokalne samouprave.

Kako se radi o nekretninama u vlasništvu Općine Vareš, a koje su potrebne za rad Javne predškolske ustanove „Dječije obdanište Vareš“, predlaže se Općinskom vijeću da donese Odluku u predloženom tekstu.

PREDLAGAČ
OPĆINSKI NAČELNIK
Zdravko Marošević